



四川大學古籍整理研究所編

# 儒藏

史部  
第一二八冊

四川大學出版社



四川大學古籍整理研究所 編

儒藏·史部

# 儒林史傳

第十八冊

四川大學出版社 二〇〇八年



國家「211工程」重點學科建設項目

國家「985工程」創新基地規劃項目

中國孔子基金會重大項目




儒藏

目  
錄

目  
錄

理學宗傳 清·孫奇逢 編撰

.....



# 理學宗傳

清·孫奇逢編撰

刁忠民校點

蔣宗許一審

吳洪澤

二審

郭齊

清光緒間浙江書局刊本

《理學宗傳》二十六卷，清孫奇逢編撰。光緒六年浙江書局刊本。

孫奇逢（一五八四—一六七五）字啓泰，號鍾元，北直隸容城（今河北容城）人。晚居夏峰，學者稱夏峰先生。明萬曆二十八年舉人，世亂不仕，屢徵不起，以講學著述爲事。其爲人行誼甚高，濟人危難，雖赴湯蹈火不辭，世人交口稱道不置。其學術精深，爲清初北方講學之領袖人物，與南方黃宗羲並享盛名。所著除本書外，尚有《讀易大旨》、《尚書近指》、《四書近指》、《中州人物考》等。

奇逢以道統之傳，當有大宗、小宗之分，而以周敦頤直接孟子爲宗傳之首，次則程顥、程頤、張載、邵雍、朱熹、陸九淵、薛瑄、王守仁、羅洪先、顧憲成，凡十一宗，敘其言行，各爲一卷。其餘學術醇正而有羽翼之功者爲小宗，則考述之，即《漢儒考》一卷、《隋儒考》一卷、《唐儒考》一卷、《宋儒考》四卷、《元儒考》一卷、《明儒考》六卷。其或學問超異，而與聖人端緒微有不同，不得不謹毫釐千里之辨者，則爲《補遺》一卷以述之。人《補遺》者凡六人，張九成、楊簡、王畿、羅汝芳、楊起元、周汝登是也。是書於人選諸儒，皆先述其行實，次列其著述及語錄，末附評議，而又於天頭時加評點，頗多精義。

是書之作，別開生面，獨具匠心。且傳記之屬，大多不用正史，而搜討他書，刪繁就簡，頗費心力。其選取論學要語，非碩學通人，更難精當。故是書一出，雖不免訾議者，然亦多爲時人所重，有援引其史料者，有借重其評議者，《明儒言行錄》之類是也；更有掇取其數卷者，范鄴鼎《理學備考》是也。然則，此書之有功儒學，亦非淺淺者焉。

是書有康熙六年刻本，光緒六年重刊入《孫夏峰先生全集》，已改正康熙本一些誤字。今據光緒本校點，並據康熙本補入脫簡二則及卷末《理學宗傳跋》一篇。

理學宗傳敘

學以聖人爲歸、無論在上在下、一衷於理而已矣。理者、乾之元也、天之命也、人之性也。得志則放之家國、天下者、而理未嘗有所增。不得志則斂諸身心、意知者、而理未嘗有所損。故見之行事、與寄之空言、原不作岐視之。舍是天莫屬其心、人莫必其命、而王路道術遂爲天下裂矣。周子曰、聖希天。程子曰、聖學本天。又曰、余學雖有所受、天理二字卻是自己體貼出來。余賦性庸拙、不能副天之所與我者。幼承良友鹿伯



順提攜、時證諸先正之語。嘗思之、顏子死而聖學不傳、孟氏歿而聞知有待。漢、隋、唐三子衍其端、濂洛關閩五子大其統。嗣是而後、地各有其人、人各鳴其說。雖見有偏全、識有大小、莫不分聖人之一體焉。余因是知理未嘗一日不在天下、儒者之學乃所以本諸天也。嗚呼、學之有宗、猶國之有統、家之有系也。系之宗有大有小、國之統有正有閏、而學之宗有天有心。今欲稽國之運數、當必分正統焉。邇家之本原、當先定大宗焉。論學之宗傳而不本諸天者、其非善學者

也。先正曰、道之大原出於天、神聖繼之。堯舜而上、乾之元也、堯舜而下、其亨也。洙泗鄒魯、其利也、濂洛關閩、其貞也。分而言之、上古則羲皇其元、堯舜其亨、禹湯其利、文武周公其貞乎。中古之統、元其仲尼、亨其顏曾、利其子思、貞其孟子乎。近古之統、元其周子、亨其程張、利其朱子、孰爲今日之貞乎。明洪永表章宋詰、納天下人士於理、熙宣成弘之世、風俗篤醇。其時有學有師、有傳有習、卽博卽約、卽知卽行。蓋仲尼歿至是且二千年、由濂洛而來、且五百有餘歲矣、則姚

江豈非紫陽之貞乎。余謂元公接孔子生知之統。而孟子自負爲見知。靜言思之。接周子之統者。非姚江其誰與歸。程朱固元公之見知也。羅文恭顧端文。意有所屬矣。宗傳共十一人。於宋得七。於明得四。其餘有漢隋唐儒考。宋元儒考。明儒考。各若干人。尙有未盡者。入補遺。補遺云者。謂其超異。與聖人端緒微有不同。不得不嚴毫釐千里之辨。眞修之悟。其悟皆修。眞悟之修。其修皆悟。諸不本天之學者。區區較量於字句口耳之習。此爲學也腐而少達。又有務爲新奇。



以自飾其好高眩外之智、其爲學也僞而多惑。更有以理爲入門之障、而以頓悟爲得道之捷者、儒釋未清、學術日晦、究不知何所底極也。此編已三易、坐臥其中、出入與偕者、逾三十年矣。少歷經於貧賤、老困躋於流離、曩知饑之可以爲食、寒之可以爲衣、而今知跛之可以能履、眇之可以能視也。初訂於渥城、自董江都而後五十餘人、以世次爲敘。後至蘓門、益廿餘人。後高子攜之會稽、倪余二君復增所未備者、今亦十五年矣。賴天之靈、幸不填溝壑、策燈燭之光、復

爲是編。管窺蠡測之見。隨所錄而箋識之。宛對諸儒  
於一堂。左右提命。罔敢屑越。願與同志者共之。並以  
俟後之學者。康熙五年清明前三日。容城後學孫奇  
逢謹撰。

理學宗傳序

天之所以賦人者無二理、聖人之所以承天者無二學。蓋天命流行、化育萬物、秀而靈者爲人、本性之中、五常備具。其見於外也、見親則知孝、見長則知弟、見可矜之事則惻隱、見可耻之事則羞惡。不學不慮之良、人固無異於聖人也。惟聖人爲能體察天理之本、然而朝乾夕惕、自強不息、極之盡性至命、而操持不越日用飲食之間。顯之事親從兄、而精微遂至窮神知化之際。蓋其知明處當、乃吾性中自有之才能、參



天贊化、亦吾性中自有之功用。止如其本性之分量、而非有加於毫末也。堯舜禹之相授受、曰人心惟危、道心惟微、惟精惟一、允執厥中。其爲教之目、曰父子有親、君臣有義、夫婦有別、長幼有序、朋友有信。此聖學之淵源、王道之根柢也。由湯文武、周公、孔子、以至顏、曾、思、孟、成已成物、止有此道、在上在下、止有此學。秦漢而後、道喪文敝、賴江都文中、昌黎衍其端緒。至濂溪周子崛起舂陵、直接鄒魯、程、張、邵、朱以至陽明、雖所至或有深淺、氣象不無少異、而中所自得、心心



相印、針芥不爽。蓋道之大原出於天、天不變、道亦不變。苟得其本心之同然、則千百世之上、千百世之下、固無異親授受於一堂者矣。如高曾祖禰與嫡子嫡孫、精氣貫通、譜牒昭然、而旁流支派雖貴盛於一時、而不敢與大宗相抗、蓋誠有不可紊者在也。近世學者或專記誦而遺德性、或重超悟而略躬行。又有爲儒佛合一之說者、不知佛氏之言心言性、似與吾儒相近、而外人倫、遺事物、其心起於自私自利、而其道不可以治天下國家。吾儒之道、本格致誠、正以爲修、

而合家國天下以爲學。自復其性、謂之聖學。使天下共復其性、謂之王道。體用一原、顯微無間、豈佛氏所可比而同之乎。容城孫先生集理學宗傳一書、自濂溪以下十一子爲正宗、後列漢隋唐儒考、宋元儒考、明儒考、端緒稍異者爲補遺。其大意在明天人之歸、嚴儒釋之辨。蓋五經四書之後、吾儒傳心之要典也。八十年中躬行心得、悉見於此。斌謝病歸田、從學先生之門、受而讀之、其折衷去取、精義微言、幸承面誨而得有聞焉。時內黃令張君仲誠潛修默悟、力任斯



儒藏

理學宗傳 序

道迎先生至署、蠲俸付梓、先生命斌爲序。斌何言哉。惟曰天下同志讀是書者、無徒作書觀也、止由此以復天之所與我者耳。吾之身天實生之、無一體之不備。吾之性天實命之、無一理之不全。吾性實與萬物爲一體、而民胞物與不能渾合無間焉。吾性未盡也。吾性實與堯舜同量、而明倫察物不能細大克全焉。吾性未盡也。吾性實與天地合德、而戒愼恐懼不能如乾建不息焉。吾性未盡也。誠由濂洛關閩以上達孔顏曾孟、由孔顏曾孟而證諸堯舜湯文、得其所以